
M. TULLII CICERONIS
PRO
Q. ROSCIO COMOEDO
ORATIO TERTIA.

Multa, quae desunt, quaerenda.

malitiam naturæ, crederetur. Is scilicet vir ¹ optimus, & singulari fide præditus, qui suo ¹ judicio, tabulis suis, testibus uti conatur. Solent fere dicere, qui per tabulas homines citi pecuniam expensam tulerunt: Egone talem virum corrumpere potui, ut mea causa falsum in codicem referret? Exspecto, quam mox Chærea hac oratione utatur: Ego ne hanc manum, plenam perfidiæ, & hos digitos meos impellere potui, ut falsum prescriberent nomen? Quod si ille suas proferet tabulas: proferet suas quoque Roscius. erit in illius tabulis hoc nomen: at in hujus non erit. Cur potius illius, quam hujus, credetur? ² Scripsisset ille, si non jussu hujus expensum tulisset? non scripsisset hic, quod sibi expensum ferri jussisset? Nam, quemadmodum

turpe est scribere, quod non debeatur; sic improbum est, non referre, quod debeas. æque enim tabulæ condemnantur ejus, qui verum non retulit; & ejus, qui falsum perscripsit. Sed ego copia & facultate causæ confisus, vide quo progrediar. Si tabulas C. Fannius accepti & expensi profert suas, in suam rem, suo arbitratu scriptas: quo minus secundum illum judicetis, non recuso. Quis hoc frater fratri, quis parens filio tribuit, ut, quodcumque retulisset, id ratum haberet? ratum habebit Roscius: profer. quod tibi fuerit persuasum, huic erit persuasum: quod tibi fuerit probatum, huic erit probatum. Paule ante M. Perpernæ, P. Saturii tabulas poscebamus: nunc tuas, C. Fanni Chærea, solius flagitamus, &, quo minus secundum eas lis detur, non recusamus. Quid ita non profers? Non conficit tabulas? Immo diligentissime. Non refert parva nomina in codices? Immo omnes summas. Leve & tenue hoc nomen? H-Sccciccc sunt. quomodo tibi tanta pecunia extraordinaria jacet? quomodo H-Sccciccc in codice accepti & expensi non sunt? Prohdii immortales: effene quemquam tanta audacia præditum, qui, quod nomen referre in tabulas timeat, id petere audeat? quod in

codicem injuratus referre noluit, id jurare
in item non dubitet? quod sibi probare non
possit, id persuadere alteri conetur? Nimium 2
cito, ait, me indignari de tabulis: non habere⁵
se hoc nomen in codice accepti & expensi re-
latum confitetur: sed in adversariis patere
contendit. Usque eone te diligis, & magnifice
circumspicis, ut pecuniam non ex tuis tabulis,
sed ex adversariis petas? suum codicem testis
loco recitare, arrogantiæ est: suarum per-
scriptionum & litoriarum adversaria proferre
non amentia est? Quod si eandem vim, dili- 6
gentiam, auctoritatemque habent adversaria,
quam tabulæ: quid attinet codicem instituere?
conscribere? ordinem conservare? memoriæ
tradere litterarum vetustatem? Sed si, quod
adversariis nihil credimus, idcirco codicem
scribere instituimus: quod etiam apud omnes
leve & infirmum est, id apud judicem grave
& sanctum esse ducetur? Quid est, quod ne- 7
gligenter scribamus adversaria? quid est, quod
diligenter conficiamus tabulas? qua de causa?
quia hæc sunt menstrua, illæ sunt æternæ:
hæc delentur statim, illæ servantur sancte:
hæc parvi temporis memoriam, illæ perpetuae
existimationis fidem & religionem amplectun-
tur: hæc sunt dejecta, illæ in ordinem con-

fectæ. Itaque adversaria in judicium protulit
nemo : codicem protulit; tabulas recitavit.
3 Tu, C. Piso, tali fide, virtute, gravitate,
auctoritate ornatus, ex adversariis pecuniam
petere non auderes. Ego, quæ clara sunt con-
suetudine, diutius dicere non debo : illud
vero, quod ad rem vehementer pertinet, quæ-
ro : quam pridem hoc nomen, Fanni, in ad-
versaria retulisti? Erubescit : quid respondeat,
nescit : quid fingat extemplo, non habet. Sunt
duo menses jam, dices. Tamen in codicem
acceptum & expensum referri debuit. Amplius
sunt sex menses. Cur tamdiu jacet hoc nomen
in adversariis? Quid si tandem amplius trien-
nium est? quomodo, cum omnes, qui tabulas
conficiant, menstruas pæne rationes in tabulas
transferant, tu hoc nomen triennium amplius
9 in adversariis jacere pateris? Utrum cetera
nomina in codicem accepti & expensi digesta
habes, an non? Si non: quomodo tabulas
conficis? si etiam: quamobrem, cum cetera
nomina in ordinem referebas, hoc nomen
triennio amplius, quod erat in primis magnum,
in adversariis relinquebas? Nolebas sciri,
debere Roscium. cur scribebas? Rogatus
eras, ne referres. cur in adversariis scriptum
habebas?

Sed hæc quamquam firma esse video, tamen
ipse mihi satisfacere non possum, nisi a C. Fan-
nio ipso testimonium sumo, hanc pecuniam
ei non deberi. Magnum est, quod conor: dif-
ficile est, quod polliceor. nisi eundem & ad-
versarium & testem habuerit Roscius, nolo
v^g·cat. Pecunia tibi debebatur certa, quæ 4
nunc petitur per judicem: in qua legitimæ ¹⁰
partis sponsio facta est. Hic tu si amplius H-S.
nummo petisti, quam tibi debitum est, causam
perdidisti: propterea quod aliud est judicium,
aliud arbitrium. Judicium est pecuniæ certæ:
Arbitrium incertæ. Ad judicium hoc modo
venimus, ut totam litem aut obtineamus, aut
amittamus: ad arbitrium hoc animo adimus,
ut neque nihil, neque tantum, quantum po-
stulavimus, consequamur. Ejus rei ipsa verba
formulæ testimonio sunt. Quid est in judicio? ¹¹
directum, asperum, simplex. SI PARET
H-S ICCC DARI OPORTERE. Hic, nisi
planum facit, H-S ICCC ad libellam sibi
deberi, causam perdit. Quid est in arbitrio?
mite, moderatum, QVANTVM AEQVIUS
MELIVS, ID DARI. Ille tamen confitetur
plus se petere, quam debeatur: sed satis su-
perque habere dicit, quod sibi ab arbitro tri-
buatur. Itaque alter causæ confidit: alter

12 diffidit. Quæ cum ita sint; quæro abs te, quid
ita de hac pecunia, de his ipsis H-S 1000,
de tuarum tabularum fide compromissum fe-
ceris, arbitrum sumseris, quantum æquius &
melius fit, dari, repromittive, si pareret?
Quis in hanc rem fuit arbiter? Utinam is
quidem Romæ esset! Romæ est. Utinam ades-
set in judicio! Adest. Utinam sederet in con-
filio C. Pisonis! Ipse C. Piso est. Eundemne
tu arbitrum & judicem sumebas? eidem &
infinitam largitionem remittebas, & eudem
in angustissimam formulam sponsionis conclu-
debas? Quis umquam ad arbitrum, quantum
petiit, tantum abstulit? nemo. quantum enim
æquius esset sibi dari, petiit. De quo nomine
ad arbitrum adisti, de eo ad judicem venisti.

13 Ceteri cum ad judicem causam labefactari
animadvertunt, ad arbitrum confugiunt: hic
ab arbitro ad judicem venire est ausus: qui
cum de hac pecunia, de tabularum fide ar-
bitrum sumfit, judicavit, sibi pecuniam non
deberi. Jam duæ partes causæ sunt confessæ:
adnumerasse sese negat: expensum tulisse non
dicit, cum tabulas non recitat. reliquum est,
ut stipulatum se esse dicat. præterea enim,
quemadmodum certam pecuniam petere pos-
sit, non reperio. Stipulatus es? ubi? quo die?

quo tempore? quo præsente? quis spoondisse
me dicit? nemo. Hic ego si finem faciam di- 14
cendi, satis fidei & diligentiae meæ, satis
causæ & controversiæ, satis formulæ & spon-
sioni, satis etiam judici fecisse videar, cur
secundum Roscium judicari debeat. Pecunia
petita est certa: cum tertia parte sponsio facta
est. Hæc pecunia necesse est, aut data, aut
expensa lata, aut stipulata sit. Datam non
esse, Fannius confitetur: expensam latam non
esse, codices Fannii confirmant: stipulatam
non esse, taciturnitas testium concedit. Quid 15
ergo est? quod & reus is est, cui & pecunia
levissima & existimatio sanctissima fuit semper:
& judex est is, quem nos non minus bene de-
nobis existimare, quam secundum nos judicare
velimus: advocatio ea est, quam propter
eximum splendorem, ut judicem unum vereri
debeamus: perinde ac si in hanc formulam
omnia judicia legitima, omnia arbitria hono-
raria, omnia officia domestica conclusa &
comprehensa sint, perinde dicemus. Illa su-
perior fuit oratio necessaria, hæc erit volun-
taria: illa ad judicem, hæc ad C. Pisonem:
illa pro reo, hæc pro Roscio: illa victo-
riæ, hæc bonæ existimationis causa, compa-
rata.

6 Pecuniam petis, Fanni, a Roscio: quam?
16 dic audacter & aperte. Utrum quæ tibi ex
societate debeatur? an, quæ ex liberalitate
hujus promissa sit & ostentata? quorum alte-
rum est gravius & odiosius: alterum levius &
facilius. Quæ ex societate debeatur? Quid
ais? Hoc jam neque leviter ferendum est,
neque negligenter defendendum. Si qua enim
sunt privata judicia summæ existimationis,
& pæne dicam capitis, tria hæc sunt, fiduciæ,
tutelæ, societatis. Æque enim perfidiosum
& nefarium est, fidem frangere, quæ continet
vitam: & pupillum fraudare, qui in tutelam
pervenit: & socium fallere, qui se in negotio
17 conjunxit. Quæ cum ita sint, qui sit, qui so-
cium fraudarit & fefellerit, consideremus.
dabit enim nobis jam tacite vita acta in alter-
utram partem firmum & grave testimonium.
Q. Roscius? Quid agis? Nonne, ut ignis in
aquam conjectus, continuo restinguitur & re-
frigeratur; sic refervens falsum crimen, in
purissimam & castissimam vitam collatum,
statim concidit & extinguitur? Roscius socium
fraudavit? Potest hoc homini huic hærere
peccatum? qui medius fidius (audacter dico)
plus fidei, quam artis; plus veritatis, quam
disciplinæ possidet in se: quem populus Ro-

manus meliorem virum, quam histriōnem
esse arbitratur: qui ita dignissimus est scena
propter artificium, ut dignissimus sit curia
propter abstinentiam. Sed quid ego ineptus 18
de Roscio apud Pisonem dico? ignotum ho-
minem scilicet pluribus verbis commendo.
estne quisquam omnium mortalium, de quo
melius existimes tu? estne quisquam, qui tibi
purior, pudentior, humanior, officiosior,
liberaliorque videatur? Quid tu, Saturi, qui
contra hunc venis, existimas aliter? nonne
quotiescumque in causa in nomen hujus inci-
disti, toties hunc & virum bonum esse dixisti,
& honoris causa appellasti? quod nemo nisi
aut honestissimo aut amicissimo facere con-
suevit. Qua in re mihi ridicule es visus esse 19
inconstans, qui eundem & laederes & laudares:
& virum optimum, & hominem improbissi-
mum esse dices. eundem tu & honoris causa
appellabas, & virum primarium esse dicebas,
& socium fraudasse arguebas. Sed, ut opinor,
laudem veritati tribuebas, crimen gratiae con-
cedebas: de hoc, ut existimabas, prædicabas:
Chæreæ arbitratu causam agebas. Fraudavit 7
Roscius. Est hoc quidem auribus animisque
hominum absurdum. Quid, si tandem aliquem
timidum, dementem, divitem, inertem nactus

effet, qui experiri non posset? tamen incre-
20 dibile effet. Verumtamen, quem fraudarit,
videamus. C. Fannium Chæream Roscius
fraudavit. Oro, atque obsecro vos, qui no-
stis, vitam inter se utriusque conferte: qui
non nostis, faciem utriusque considerate.
nonne ipsum caput, & supercilia illa penitus
abrafa, olere malitiam, & clamitare callidi-
tatem videntur? nonne ab imis unguibus us-
que ad verticem summum (si quam conjectu-
ram affert hominibus tacita corporis figura)
ex fraude, fallaciis, mendaciis constare totus
videtur? qui idcirco capite & superciliis sem-
per est rasis, ne illum pilum viri boni habere
dicatur. cujus personam præclare Roscius in
scena tractare consuevit: neque tamen pro
beneficio ei par gratia refertur. Nam Ballio-
nem illum improbissimum & perjurissimum
leonem cum agit, agit Chæream, persona illa
lutulenta, impura, invisa, in hujus moribus,
natura, vitaque est expressa. Qui quamob-
rem Roscium similem sui in fraude & malitia
existimarit, nihil videtur: nisi forte, quod
præclare hunc imitari se in persona lenonis
21 animadvertis. Quamobrem etiam atque etiam
considera, C. Piso, quis quem fraudasse di-
catur. Roscius Fannium? Quid est hoc?

probū improbum, pudens impudentem, perjurum castus, callidum imperitus, liberalis avidus. Incredibile est, quemadmodum, si Fannius Rosciū fraudasse diceretur, utrumque ex utriusque persona verisimile videretur, & Fannium per malitiam fecisse, & Rosciū per imprudentiam deceptum esse: sic cum Roscius Fannium fraudasse arguatur, utrumque incredibile est, & Rosciū quidquam per avaritiam appetisse, & Fannium quidquam per se bonitate amisisse. Principia sunt hujusmodi. 8 spectemus reliqua. H-S 1000 Q. Roscius²² fraudavit Fannium. Qua de causa? Subredit Saturius, veterator, ut sibi videtur. Ait propter ipsa H-S 1000. Video: sed tamen cur ipsa H-S 1000 tam vehementer concupierit, quæro. nam tibi, M. Perperna, C. Piso, certe tanti non fuissent, ut socium fraudaretis. Roscio cur tanti fuerint, causam requiro. Egebat? Immo locuples erat. Debebat? Immo in suis nummis versabatur. Avarus erat? Immo etiam, antequam locuples, semper liberalissimus munificentissimusque fuit. Proh²³ deum hominumque fidem! qui H-S cccccc
ccccccc cccccc quæstus facere noluit
(nam certe H-S cccccc cccccc cccccc
merere & potuit & debuit, si potest Dionysia

H-S cccicccc cccicccc merere) is per
summam fraudem , & malitiam , & perfidiam
H-S 1000 appetit? Et illa fuit pecunia im-
manis , hæc parvula: illa honesta , hæc for-
dida: illa jucunda , hæc acerba: illa propria ,
hæc in causa & in judicio collocata. Decem
his annis proximis H-S. sexagies honestissime
consequi potuit: noluit. laborem quæstus rece-
pit; quæstum laboris rejicit. populo Romano
adhuc servire non destitit: sibi servire jam pri-
24 dem destitit. Hoc tu umquam , Fanni, faceres?
& si hos quæstus recipere posses, non eodem
tempore & gestum & animam ageres? Dic
nunc te ab Roscio H-S 1000 circumscriptum
esse , qui tantas & tam infinitas pecunias non
propter inertiam laboris , sed propter magni-
ficentiam liberalitatis repudiarit. Quid ego
nunc illa dicam, quæ vobis in mentem venire
certo scio? Fraudabat te in societate Roscius.
Sunt jura , sunt formulæ de omnibus rebus
constitutæ, ne quis aut in genere injuriæ,
aut ratione actionis errare possit. expressæ
sunt enim ex uniuscujusque damno , dolore ,
incommodo , calamitate , injuria , publicæ a
prætore formulæ, ad quas privata lis accom-
modetur.

Quæ

Quæ cum ita sint, cur non arbitrum pro 9
socio adegeris Q. Roscium, quæro. Formulam²⁵
non noras? Notissima erat. Judicio gravi ex-
periri nolebas? Quid ita? propter familiari-
tatem veterem? cur ergo lædis? Propter in-
tegritatem hominis? cur igitur insimulas?
Propter magnitudinem criminis? Itane vero?
quem per arbitrum circumvenire non posses,
cujus de ea re proprium erat judicium, hunc
per judicem condemnabis, cuius de ea re nul-
lum est arbitrium? Quin tu hoc crimen aut
objice, ubi licet agere; aut jacere noli, ubi
non oportet. Tametsi jam hoc tuo testimonio
crimen sublatum est. Nam, quo tu tempore
illa formula uti noluisti, nihil hunc in socie-
tatem fraudis fecisse ostendisti. Fecit pactio-
nem. Num tabulas habet, an non? Si non
habet, quemadmodum pactio est? si habet, cur
non nominas? Dic nunc Roscium abs te petisse,²⁶
ut familiarem suum sumeres arbitrum. non
petiit. Dic pactionem fecisse, ut absolveretur.
non pepigit. Quære, quare sit absolutus?
quod erat summa innocentia & integritate.
Quid enim factum est? venisti domum ultro
Roscii: satisfecisti; quod temere commisfies,
in judicium ut denuntiaret, rogaſti, ut igno-
ſceret; te affuturum negaſti; debere tibi ex

societate nihil, clamitasti. judici hic denun-tiavit: absolutus est. Tamen fraudis ac furti mentionem facere audes? Perstat in impu-dentia. pactionem enim, inquit, mecum fe-cerat. Idecirco videlicet ne condemnaretur. Quid erat causæ, cur metueret, ne condem-naretur? Res erat manifesta: furtum erat apertum.

- 27 Cuius rei furtum factum erat? Exorditur magna cum exspectatione veteris histrionis
IO exponere societatem. Panurgus, inquit, fuit Fannii. is fuit ei cum Roscio communis. Hic primum questus est non leviter Saturius, communem factum esse gratis cum Roscio, qui pretio proprius fuisset Fannii. Largitus est scilicet homo liberalis, & dissolutus, & bonitate affluens Fannius Roscio? Sic puto.
28 Quoniam ille hic constitit paulisper, mihi quoque necesse est paulum commorari. Pa-nurgum tu, Saturi, proprium Fannii dicens fuisse. At ego totum Rosci contendo. Quid erat enim Fannii? corpus. Quid Rosci? disciplina. Facies non erat; ars erat pretiosa. Ex qua parte erat Fannii, non erat H-S 1000. ex qua parte erat Rosci, amplius erat H-S CCC 1000. Nemo enim illum ex truncō corporis spectabat, sed ex artificio comicō

æstimabat. Nam illa membra merere per se non amplius poterant duodecim æris: disciplina, quæ erat ab hoc tradita, locabat se non minus H-S cccccc. O societatem captio- 29
sam & indignam! ubi alter H-S 1000, alter cccccc quod sit, in societatem affert: nisi idcirco moleste pateris, quod H-S 1000 tu ex arca proferebas, H-S cccccc ex disciplina & artificio Roscius promebat. Quam enim rem & exspectationem, quod studium, & quem favorem secum in scenam attulit Panurgus? Quod Roscius fuit discipulus. qui diligebant hunc, illi favebant: qui admirabantur hunc, illum probabant: qui denique hujus nomen audierant, illum eruditum & perfectum existimabant. Sic est vulgus: ex veritate pauca, ex opinione multa æstimat. Quid sciret ille, perpauci animadvertebant. 30
ubi didicisset, omnes quærebant. nihil ab hoc pravum & perversum produci posse arbitrabantur. Si veniret ab Statilio: tametsi artificio Roscius superaret, adspicere nemo posset. nemo enim, sicut ex improbo patre probum filium nasci, sic ex pessimo histrione bonum comœdum fieri posse existimaret. Quia veniebat a Roscio, plus etiam scire, quam sciebat, videbatur. Quod item nuper in Erote II

comœdo usu venit: qui posteaquam e scena
non modo sibilis, sed etiam convicio explode-
batur; sicut in aram, confugit in hujus do-
mum, disciplinam, patrocinium, nomen. Ita-
que perbrevi tempore, qui ne in novissimis
quidem erat histrionibus, ad primos pervenit
21 comœdos. Quæ res extulit eum? Una com-
mendatio hujus: qui tamen Panurgum illum,
non solum ut Roscii discipulus fuisse dicere-
tur, domum recepit, sed etiam summo cum
labore, stomacho, miseriaque erudiit. Nam,
quo quisque est sollertior & ingeniosior, hoc
docet iracundius & laboriosius. quod enim
ipse celeriter arripuit, id cum tarde percipi
videt, discruciatur. Paulo longius oratio mea
provecta est hac de causa, ut conditionem so-
32 cietatis diligenter cognosceretis. Quæ deinde
sunt consecuta? Panurgum, inquit, hunc,
servum communem, Q. Flavius Tarquinienis
quidam interfecit. in hanc rem, inquit, me
cognitorem dedisti. lite contestata, judicio
damni injuria constituto, tu sine me cum Fla-
vio decidisti. Utrum pro dimidia parte; an
pro tota societate? planius dicam, utrum pro
me, an pro me & pro te? Pro me? potui,
multorum exemplo: licitum est: jure fecerunt
multi: nihil in ea re tibi injuriæ feci. pete-

tu tuum , exige , & aufer , quod debetur.
suam quisque partem juris possideat & perse-
quatur. At enim tuum negotium gesisti bene.
Gere & tu tuum bene. Magno tuam dimidiam
partem decidisti. Magno & tu tuam partem
decide. H-S cccccc abstulisti. Si sit hoc
vero ; H-S cccccc tu quoque aufer. Sed 12
hanc decisionem Roscii , oratione & opinione³³
augere licet : re & veritate mediocrem & te-
nuem esse invenietis. Accepit enim agrum
temporibus iis , cum jacerent pretia prædio-
rum : qui ager neque villam habuit , neque ex
ulla parte fuit cultus ; qui nunc multo pluris
est , quam tunc fuit. neque id est mirum.
tum enim propter reipublicæ calamitates ,
omnium possessiones erant incertæ ; nunc ,
deum immortalium benignitate , omnium for-
tunæ sunt certæ : tum erat ager incultus sine
tecto ; nunc est cultissimus cum optima villa.
Verumtamen , quoniam natura tam malevo- 34
lus es , numquam ista te molestia & cura libe-
rabo. Præclare suum negotium gesit Roscius:
fundum fructuosissimum abstulit : quid ad te ?
tuam partem dimidiam , quemadmodum vis ,
decide. Verit hic rationem , & id , quod pro-
bare non potest , fingere conatur. De tota
e , inquit , decidisti.

Ergo huc universa causa deducitur, utrum
Roscius cum Flavio de sua parte, an de tota
35 societate fecerit pactionem. Nam ego Roscium,
si quid communi nomine tetigit, confiteor
præstare debere societati. Societatis, non suas
lites redemit, cum fundum a Flavio accepit.
Quid ita satis non dedit, A M P L I V S A S E
N E M I N E M P E T I T V R V M ? Qui de sua
parte decidit, reliquis integrum relinquit
actionem. qui pro sociis transfigit, satisfat,
neminem eorum postea petiturum. Quid ita
Flavio sibi cavere non venit in mentem? ne-
sciebat videlicet Panurgum fuisse in societate?
Sciebat. Nesciebat, Fannium Roscio esse so-
cium? Præclare. nam iste cum eo litem con-
36 testatam habebat. Cur igitur decidit, & non
restipulatur, neminem amplius petiturum?
cur de fundo decidit, & judicio non absolvitur?
cur tam imperite facit, ut nec Roscium
stipulatione alliget, neque a Fannio judicio
37 se absolvat? Est hoc primum & ex conditione
juris, & ex consuetudine cautionis, gravissi-
mum & firmissimum argumentum: quod ego
pluribus verbis amplecterer, si non alia cer-
tiora & clariora testimonia in causa haberem.

I3 Et, ne forte me hoc frustra pollicitum esse
prædices: te, te, inquam, Fanni, ab tuis

subselliiis contra te testem suscitabo. Crimina-
tio tua quæ est? Roscium cum Flavio pro so-
cietate decidisse. Quo tempore? Abhinc an-
nis iv. Defensio mea quæ est? Roscium pro
sua parte cum Flavio transegisse. Repromittis
tu abhinc triennium Roscio. Quid? recita
istam restipulationem clarius. Attende, quæso,
Piso. Fannium invitum, & huc atque illuc
tergiversantem, testimonium contra se dicere
cogo. Quid enim restipulatio clamat? Q V O D
A FLAVIO ABSTVLEO, PARTEM DI-
MIDIAM INDE ROSCIO ME SOLVTVRVM
SPONDEO. Tua vox est, Fanni. Quid tu ³⁸
auferre potes a Flavio, si Flavius nihil debet?
Quid hic porro nunc restipulatur, quod jam-
pridem ipse exigit? quid vero Flavius tibi
daturus est, qui Roscio omne, quod debuit,
dissolvit? cur in re tam veteri, in negotio tam
confecto, in societate dissoluta, nova hæc re-
stipulatio interponitur? Quis est hujus resti-
pulationis scriptor? testis? arbiter? quis? tu
Piso. Tue enim Q. Roscium pro opera, pro
labore, quod cognitor fuisset, quod va-
dimonia obisset, rogasti, ut Fannio daret.
H-S CCCICOO, hac conditione, ut, si quid
ille exegisset a Flavio, partem ejus dimidiām
Roscio dissolveret. Satisne ista restipulatio

dicere tibi videtur aperte , Roscium pro se
39 decidisse ? At enim forsitan hoc tibi veniat in
mentem , repromisisse Fannium Roscio , si quid
a Flavio exegisset , ejus partem dimidiā ; sed
omnino exegisse nihil . Quid ? tu non exitum
exactionis , sed initium repromotionis spectare
debes ? neque , si ille persequi noluit , non ,
quod in se fuit , judicavit , Roscium suas , non
societatis lites redemisse ? Quid si tandem
planum facio , post decisionem veterem Roscii ,
post repromotionem recentem hanc Fannii ,
H-S cccccc Fannium a Q. Flavio , Panurgi
nomine abstulisse ? tamen diutius illudere viri
optimi existimationi , Q. Roscii , audebit ?

I4 Paulo ante quærebam , id quod vehemen-
4° ter ad rem pertinebat , qua de causa Flavius ,
cum de tota lite faceret pactionem , neque
fatis acciperet a Roscio , neque judicio absol-
veretur a Fannio . nunc vero (id quod mirum
& incredibile est) requiro , quamobrem , cum
de tota re decidisset cum Roscio , **H-S cccccc**
separatim Fannio dissolvit ? Hoc loco , Saturi ,
quid pares respondere , scire cupio . utrum
omnino Fannium a Flavio **H-S cccccc** non
abstulisse ? an alio nomine & alia de causa ab-
41 stulisse ? Si alia de causa : quæ ratio tibi cum
eo intercesserat ? nulla . Addictus erat tibi ?

non. frustra tempus contero. Omnia, inquit,
H-S CCCIOOO a Flavio non abstulit, neque
Panurgi nomine, neque cujusquam. Si pla-
num facio, post hanc recentem stipulationem
Roscii, H-S CCCIOOO a Flavio te abstulisse;
numquid causæ est, quin ab judicio abeas
turpissime victus? Quo teste igitur hoc pla- 42
num faciam? Venerat, ut opinor, hæc res
in judicium. Certe. Quis erat petitor? Fan-
nius. Quis reus? Flavius. Quis judex? Clu-
vius. Ex his unus mihi testis est producendus,
qui pecuniam datam dicat. Quis est ex his
gravissimus? Sine controversia, qui omnium
judicio comprobatus est judex. Quem igitur
ex his tribus a me testem spectabis? petito-
rem? Fannius est: contra se numquam testi-
monium dicet. Reum? Flavius est. Is jam-
pridem est mortuus. Si viveret, verba ejus
audiretis. Judicem? Cluvius est. Quid is di-
cit? H-S CCCIOOO Panurgi nomine Flavium
Fannio dissolvisse: quem tu si ex censu
spectas; eques Romanus est: si ex vita; homo
clarissimus est: si ex te; judicem sumfisti: si
ex veritate; id, quod scire potuit & debuit,
dixit. Nega, nega nunc, equiti Romano, ho- 43
mini honesto, judici tuo, credi oportere. Cir-
cumspicit, æstuat: negat nos Cluvii testimo-

nium recitatuos. recitabimus. erras: inani
& tenui spe te consolaris. Recita testimonium
T. Manilii & C. Luscii Ocreæ, duorum senato-
rum, hominum ornatissimorum, qui ex Cluvio
audierunt. (TESTIMONIVM T. MANILII,
ET C. LVSCII OCRAEAE.) Utrum dicis?
Luscio & Manilio; an & Cluvio non esse cre-
I5dendum? Planius atque apertius dicam. Utrum
Luscius & Manilius nihil de H-S cccccc
ex Cluvio audierunt? an Cluvius falsum Luscio
& Manilio dixit? Hoc ego loco, soluto &
quieto sum animo; &, quorsum recidat re-
sponsum tuum, non magnopere labore. Fir-
missimis enim & sanctissimis testimoniis viro-
rum optimorum causa Rosci communita est.
44 Si jam tibi deliberatum est, quibus abroges
fidem jurisjurandi, responde. Manilio & Luscio
negas esse credendum? dic, aude. est tuæ
contumaciæ, arrogantiæ, vitæque universæ
vox. Quid exspectas, quam mox ego Lusciū
& Maniliū dicam, ordine, esse senatores;
ætate, grandes natu; natura, sanctos & reli-
giosos; copiis rei familiaris, locupletes & pe-
cuniosos? non faciam: nihil mihi detrahām,
cum illis exactæ ætatis severissime fructum,
quem meruerunt, retribuam. magis mea ado-
lescentia indiget illorum bona existimatione,

quam illorum severissima senectus desiderat
meam laudem. Tibi vero, Piso, diu delibe- 45
randum, & concoquendum est, utrum potius
Chæreæ injurato in sua lite, an Manilio &
Luscio juratis in alieno judicio credas. Reli-
quum est, ut Cluvium falsum dixisse Luscio
& Manilio contendat: quod si facit, qua im-
pudentia est, eumne testem improbabit, quem
judicem probarit? ei negabit credi oportere,
cui ipse crediderit? ejus testis ad judicem
fidem infirmabit, cuius propter fidem & reli-
gionem judicis, testes comparabat? quem ego
si ferrem judicem, refugere non deberet:
cum testem producam, reprehendere audebit?
Dixit enim, inquit, injuratus Luscio & Ma-
nilio. Si diceret juratus, crederes? At quid 46
interest inter perjurum & mendacem? Qui 16
mentiri solet, pejerare consuevit. quem ego,
ut mentiatur, inducere possum, ut pejeret,
exorare facile potero. nam, qui semel a ve-
ritate deflexit, hic non majore religione ad
perjurium, quam ad mendacium perduci con-
suevit. quis enim deprecatione deorum, non
conscientiæ fide commovetur? Propterea quæ
poena ab diis immortalibus perjuro, hæc ea-
dem mendaci constituta est. Non enim ex
paetione verborum, quibus jusjurandum com-

prehenditur, sed ex perfidia & malitia, per quam insidiæ tenduntur alicui, dii immortales hominibus irasci & succensere consuerunt.

47 At ego hoc ex contrario contendō. Levior esset auctoritas Cluvii, si diceret juratus, quam nunc est, cum dicit injuratus. Tum enim forsitan improbis nimis cupidus videretur, qui, qua de re judex fuisset, testis esset. nunc omnibus inimicis necesse est castissimus & constans tissimus esse videatur, qui id, quod scit, fa-

48 miliaribus suis dicit. Dic nunc, si potes, si res, si causa patitur, Cluvium esse mentitum. Mentitus est Cluvius? Ipsa mihi veritas manum injectit, & paulisper consistere & commorari cogit. Unde hoc totum ductum & conflatum mendacium est? Roscius est videlicet homo callidus & versutus. Hoc initio cogitare coepit: quoniam Fannius a me petit H-S 1000, petam a C. Cluvio, equite Romano, ornatissimo homine, ut mea causa mentiatur: dicat, decisionem factam esse, quæ facta non est: H-S cccccc a Flavio data esse Fannio, quæ data non sunt. Est hoc principium improbi animi, miseri ingenii, nullius consilii. Quid deinde? Posteaquam se præclare confirmavit, venit ad Cluvium. Quem hominem? levem? immo gravissimum.

mobilem ? immo constantissimum. familia-
rem ? immo alienissimum. Hunc posteaquam
salutavit, rogare cœpit, blande & concinne,
scilicet : mentire mea causa, viris optimis,
tuis familiaribus præsentibus ; dic, Flavium
cum Fannio de Panurgo decidisse, qui nihil
transegit ; dic, H - S c c c i o o d edisse, qui
assem nullum dedit. Quid ille respondit ? Ego
vero cupide & libenter mentiar tua causa ;
&, si quando me vis pejerare, ut paululum
tu compendii facias, paratum fore scito : non
fuit causa, cur tantum laborem caperes, &
ad me venires : per nuntium hoc, quod erat
tam leve, transigere potuisti. Proh deum ho- I 7
minumque fidem ! hoc aut Roscius umquam ⁵⁰
a Cluvio petisset, si H - S millies in judicium
haberet ? aut Cluvius Roscio petenti conces-
sisset, si universæ prædæ particeps esset ? Vix
mediusfidius tu, Fanni, a Ballione, aut ali-
quo ejus simili hoc expostulare auderes, &
impetrare posses, quod cum est veritate falsum,
tum ratione quoque est incredibile. Obliviscor
enim, Roscium & Cluvium viros esse prima-
rios : improbos temporis causa esse fingo.
Falsum subornavit testem Roscius Cluvium. ⁵¹
cur tam sero ? cur, cum altera pensio sol-
venda esset, non tum, cum prima ? nam jam

antea H-S 1000 dissolverat. Deinde, si jam persuasum erat Cluvio, ut mentiretur: cur potius H-S cccciccc, quam cccciccc data dixit Fannio a Flavio, cum ex restipulatione pars ejus dimidia Roscius esset? Jam intelligis, C. Piso, sibi soli, societati nihil Roscius petisse. Hoc cum sentit Saturius esse apertum, resistere & repugnare contra veritatem non audet: aliud fraudis & infidiarum eodem vestigio diverticulum reperit.

52 Petisse, inquit, suam partem Roscius a Flavio confiteor: vacuam & integrum reliquissime Fannii concedo: sed, quod sibi exegit, id commune societatis factum esse contendeo. Quo nihil captiosius, neque indignius potest dici. Quæro enim, potueritne Roscius ex societate suam partem petere, necne? Si non potuit: quemadmodum abstulit? si potuit: quemadmodum non sibi exegit? Nam quod 53 sibi petitur, certe alteri non exigitur. An ita est? si, quod universæ societatis fuisset, petisset; quod tum redactum esset, æqualiter omnes partirentur: nunc, cum petierit, quod suæ partis esset; non, quod abstulit, soli sibi 18 exegit? Quid interest inter eum, qui per se litigat, & qui cognitor est datus? qui per se litem contestatur, sibi soli petit: alteri nemo

potest, nisi qui cognitor est factus. Itane
vero? cognitor si fuisset tuus, quod vicisset
judicio, ferres tuum. suo nomine petiit: quod
abstulit, sibi, non tibi exegit. Quodsi quis- 54
quam petere potest alteri, qui cognitor non
est factus: quæro, quid ita, cum Panurgus
effet imperfectus, & lis contestata cum Flavio
damnii injuria effet, tu in eam litem cognitor
Roscii sis factus: cum præsertim ex tua ora-
tione, quodcumque tibi peteres, huic peteres:
quodcumque tibi exigeres, id in societatem
recideret. Quodsi ad Roscium nihil perveni-
ret, quod tu a Flavio abstulisses, nisi te in
suam litem dedisset cognitorem; ad te perve-
nire nihil debet, quod Roscius pro sua parte
exegit; quoniam tuus cognitor non est factus.
Quid enim huic rei respondere poteris, Fanni, 55
cum de sua parte Roscius transfigit cum Fla-
vio, actionem tibi tuam reliquit, an non?
Si non reliquit, quemadmodum H-S cccccc
ab eo postea exegisti? si reliquit, quid ab hoc
petis, quod per te persequi & petere debes?
Simillima enim & maxime gemina societas
hereditatis est. Quemadmodum socius in so-
cietaate habet partem; sic heres in hereditate
habet partem. ut heres sibi soli, non cohere-
dibus petit; sic socius sibi soli, non sociis

petit: & quemadmodum uterque pro sua parte petit, sic pro sua parte dissolvit: heres ex sua parte, qua hereditatem adiit: socius ex ea, 56 qua societatem coiit. Quemadmodum suam partem Roscius suo nomine condonare potuit Flavio, ut eam tu non peteres; sic, cum exegit suam partem, & tibi integrum petitio-
nem reliquit, tecum partiri non debet; nisi forte tu, perverso more, quod hujus est, ab alio extorquere non potes, huic eripere potes. Perstat in sententia Saturius: quodcumque sibi petat socius, id societatis fieri. Quod si ita est: qua (*malum*) stultitia fuit Roscius, qui ex jurisperitorum consilio & auctoritate restipularetur a Fannio diligenter, ut, quod is exegisset a Flavio, dimidiam partem sibi dissolveret: siquidem, sine cautione & repro-
missione, nihilominus id Fannius societati, hoc est, Roscio debebat?

Desiderantur non pauca.

